

茶陵州志卷之十二

古蹟

明張文毅公曰夫道無不為師也黍離之什洛陽之記廢興之道著矣美惡之蹟是非之林也是以君子有所感也感則興矣是故君子之立思靈長焉故曰道無不為師也雲陽氏封地 史略循蜚紀雲陽氏稱陽帝處於沙註曰沙謂長沙遁甲經沙土之福雲陽氏之墟雲陽在衡山之陽今長沙府茶陵之雲陽山皇甫紀雲陽為少昊氏封在甘泉長沙雲陽殆其始封一云少昊金天氏葬雲陽曰雲陽氏

茶陵州志

卷之十二

古蹟

帝榆罔封地

史略榆罔名參盧居空桑蚩尤逐之黃帝

殺蚩尤乃封榆罔於路註路露也舊志今茶陵州露水有露嶺蓋初封在此元和姓纂黃帝封榆罔支子於露

茶王城

在州東五十里寰宇記漢茶陵故城在攸縣東

一百四十里俗名茶王城城壕記古茶王城在州東五十里漢節侯欣所築

馬王城

在州東八十里茶水北岸一名古城五代時馬

氏所築今屬十五都

鄂王城

在二十五都宋岳忠武屯兵之所遺址尙存

金州城

在州城北五里祥符圖經金州城宋祥符閒鄧

宜所築城壕記在州北十里今屬左二都

赤松壇 在雲陽山世傳赤松子修煉處宋封靈虛真君

遺址猶存

並詳形勝山川卷

子房釣臺 在一都獅子嶺巖石奇峭舊有碑剝蝕不可

辨識剩有力仁陳子吟章等字下有仙橋棋局遺跡

泚泉古井 在州城東南二百步近江岸政和歲登則漸

然如泚泚流泛半江病者飲之多愈唐天祐二年水衝

岸崩自是少出

石鐘洞 秦人三洞之一山徑縈紆其竅空靈深丈許高

祇三尺洞門三重如甕入其中有石柱光潤可鑒左右

茶陵州志

卷之十二

古蹟

二

寬僅容膝倚柱投石下響若磬聲縷縷不絕至底則聲

大如洪鐘

前有野雞洞水出石穴見而復隱

仙人跡 在二十一都西巖蜀帝祠前江畔石上大小相

逐數十武如人跡

靈塘 在十六都月江周迴里許時或狂濤怒風水面見

鱗甲燦然數日乃沒相傳為龍故老云前後見者不一

但未露頭角耳

唐陳光問寓館 在州東二十里光問讀書處名月到巖

又稱靈巖傍有羅漢像石牀靈跡

月到巖 額字大三尺許鏤數仞峭壁上宋黃山谷陳思

忠蔣仲虎倪巨濟暨歷代文士各題咏 巖內對獅巖
碧泉巖石梁橋皆臨巖不遠俱刻明知州曾才漢偕僚友紀
遊詩各額字亦鐫石壁懸絕處

孫龍圖故館 州東八十里鄧阜山為龍圖讀書處

南浦犀亭 在州城南宋縣令劉子邁因江水蕩決南城

鑄鐵犀重數千斤置岸側厭之建亭其地今犀存亭廢

神箭 在二十二都升子山隱見不常相傳岳忠武所遺

一經堂匾 宋岳忠武討賀賊曹成道經茶陵尹彥德勞

其軍忠武曰君長者也當以一經教子楊誠齋為大書

一經堂三字在十二都並詳學校卷

茶陵州志

卷之十二

古蹟

三

元末各寨 係鄉民避兵地

虎背寨 在十六都

俊筆寨 在上一都

古城寨 在八都二十一都之間山頂有田塘如村野

會仙寨 在二十都

麻石寨 在三都

延和寨 在下十一都高水茶陵澗

雷公寨 在二十二都峯巒峻峭林木葱蘢

章陽寨 在二十五都山巔多土竈

南京寨 在二十二都

龍背寨 在八都界

花石寨 老虎寨 白石寨 仙女寨在十都東山

天馬寨 觀音寨 坐落未詳

靈光亭 在雲陽山明巡撫顧璘行部茶陵經雲陽山觀

其秀潤特異謂西涯龍湖繼生信有地靈命作亭於嶺

阿以標其勝

張府假山 在通湘門內明少保張文毅故第久廢其後

苑假山猶存巨石壘高二仞嵌空玲瓏叩之聲如磬巖

石透一穴圍徑四寸隙光照地正圓時知為晌午云

半塘芙蓉 在上一都大冲原二塘其西栽蓮繼通為一

茶陵州志

卷之十二

古蹟

四

至今荷花絕不牽引若有畛域者然

老君鐵像 在雲陽山老君巖 詳雜志卷

陵墓 附

炎帝神農氏陵 史傳云在長沙之茶鄉 今茶分爲酃隸衡州府

劉學士三吾墓 諭葬在左九都

李文正東陽墓 諭葬 在京城畏吾村詳懷麓堂集此據府志仍不溷其處所

張文毅治墓 諭葬在黃石鋪

廖參政希顏墓 在州城南隔江定林寺左

彭大司馬維新墓 在十七都安礪